

重刊道藏輯要

天下名山記

新安吳秋士西邨選

汪立名西亭校訂

浙江

記蘇堤始末

楊慎

東坡先生在杭州潁州許州皆開西湖而杭湖之功尤偉其詩云我在錢塘拓湖滌大堤士女爭昌丰六橋橫絕天漢上北山始與南山通忽驚二十五萬丈老葑席捲蒼雲空此詩史也而注殊畧今按宋長編云杭本江海之地水泉鹹苦唐刺史李泌始引西湖水作六井故井邑日富及白居易復浚西湖所溉千餘頃然湖水多葑近歲廢而不理湖中葑田積二十五萬餘丈而水無幾矣連河失湖水之利則取給於江湖潮渾濁多淤河行闌闔中三年一淘為市井大患而六井亦幾廢公始至浚茅山鹽橋二河以茅山一河專受江湖以鹽橋一河專受湖水復造堰閘以為湖水蓄泄之限然後潮不入市間至湖上周視之久曰今願去葑田葑田如雲將安所置之湖南北三十里環湖往來終日不達若取葑田積之湖中為長堤以通南北則葑田去而行者便矣堤成杭人名之曰蘇公堤云合是觀之則公之有功杭人大矣余昔在京間之杭之士大夫亦不知今閱公詩注亦畧故詳注之嗚呼治水之難久矣宋之世修六塔河二股

道藏輯要

天下名山記
浙江蘇堤楊

三

軫集二
x18

河安石以范子淵李仲昌專其事聽小人李公義宦官黃懷忠
之言用鐵龍爪濬川杷天下皆笑其見戲積以數年糜費百萬
之錢穀漂沒數十萬之丁夫汔無成功而猶不肯止至其績敗
功圯而姦臣李清臣爲考官猶以修河問策欲掩護之甚矣宋
之君臣愚且戇也視東坡杭湖潁湖之役不數月之間無糜百
金而成百世之功其政事之才豈止十倍時流乎公欲鑿石門
山運河以避浮山之險當時妬者盡力排之又欲於蘇州以東
鑿挽路爲千橋以迅江勢亦不果用人皆恨之噫難平者事古
今同一慨云

道藏輯要

天下名山記
浙江蘇堤楊

書

軫集二
二